

Rosa Borbásiana n. sp.

Frutex elevatus. Rami ramulique aculeis basi dilatatis et aculeolis tenuioribus setisque armati, sub pedunculis etiam setis glanduliferis vestiti. Stipulae anguste lanceolatae in margine glanduloso-ciliatae, pubescentes, ceterum eglandulosae. Petioli dense pubescentes et glandulosi, et glandulis stipitatis, sessilibus et aculeolis flavescentibus armati. Foliola quina vel septena ovoideo-elliptica varia magnitudine eodem in ramo, lateralia breviter petiolulata, subtiliter glanduloso-serrata, serratura ut in Sepiaceis; dentibus argute antrorsum vergentibus, primariis mucrone terminatis, denticulis accessoriis 3—5 glanduliferis munitis. Foliola subtus puberula et glandulis sat parvis fuscescentibus oblecta in costa et in nervis secundariis glandulis evidenter maioribus instructa. Foliolorum pagina superior adpresse puberula, demum glabrescens. Pedunculi sat elongati (10—12 mm. longi) setulis glanduliferis numerosis rufescentibusque muniti. Receptacula ovoidea sub disco paululum strangulata vel attenuata, solum ad basin hinc inde setulis glanduliferis sparsis oblecta. Sepala post anthesin semper reflexa, cito decidua, tria valde pinnatifida et glanduloso-ciliata, dorso crebre glandulosa et pubescentia, duo integra supra et in margine albido-tomentosa. Styli pilosi discum planiusculum evidenter superantes. Flores mediocres dilute rosei. Fructus ovoidei.

Syn. *Rosa subdola* Kmet̃ in litt. non Déséglise.

Differt ab *Rosa anisopoda* Christ (*Rosen der Schweiz* p. 120) (1873) statura humiliore, petiolis dense pubescentibus, foliolis subtus densius pilosis, supra adpresse puberulis a medio non cunneatis etc. Ab *Rosa subdola* Déséglise (*catalogue raisonné* No. 321) (1876), = *R. Kluckii* Boreau fl. d. centre de la France éd. II. No. 684 (1849) et éd. III. No. 869 (1857) non Besser; differt: sepalis post anthesin reflexis, stylorum indumento densiore, foliolis ad basin versus non cuneato-angustatis, supra pilosulis, subtus sat dense pubescentibus. Habitat in montibus trachyticis ad Čabrad agri Prenčovii comitatus „Hont“ Hungariae ubi dominus celeb. A. Kmet̃ hanc Rosam anno 1880 detexit. Quam pulchram plantam celeberrimo domino Dr̃i Vincentio de Borbás historiae naturalis professori dedicavit

Henr. Braun.

Redacteur: Dr. Singer. Druck der F. Neubauer'schen Buchdruckerei (F. Huber) in Regensburg.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Flora oder Allgemeine Botanische Zeitung](#)

Jahr/Year: 1885

Band/Volume: [68](#)

Autor(en)/Author(s): Braun H.

Artikel/Article: [Rosa Borbasiana n. sp 114](#)